



UNIVERSITÄTS-  
BIBLIOTHEK  
PADERBORN

**Io. Iac. Chiffletii De Linteis Sepulchralibus Christi  
Servatoris Crisis Historica**

**Chifflet, Jean-Jacques**

**Antverpiae, 1624**

Illvstriss. Et Reverendiss. Domino D. Ioanni Francisco Ex Comitibus Gvidiis  
A Balneo Archiepisc. Patracensi In Belgicæ Et Bvrgvndiæ Provinciis Nvntio  
Apostolico Cvm Potestate Legati A Latere.

---

[urn:nbn:de:hbz:466:1-64456](https://nbn-resolving.org/urn:nbn:de:hbz:466:1-64456)

ILLVSTRISS. ET REVERENDISS.

DOMINO

D. IOANNI FRANCISCO

EX COMITIBVS GVIDIIS A BALNEO  
ARCHIEPISC. PATRACENSI

IN BELGICÆ ET BVRGVNDIÆ PROVINCIIS

NVNTIO APOSTOLICO

CVM POTESTATE LEGATI A LATERE.



ILLVSTRISSIME DOMINE,  
postquam Vefontio-  
nem meam tibi placuisse  
sciui, ratus apertas mihi  
esse *M<sup>o</sup> C<sup>o</sup> d<sup>o</sup> regis*, sustuli  
animum ad maiora, & funeri CHRI-  
STI Seruatoris admoui stylum, vt linea  
inuolucra, quibus illo mortis triduo te-  
ctus fuit, posteris euoluerem. Ad hoc  
versavi scripta vetustioris æui, &

\* 2

hu-



huius nostri, nec inueni qui rectè ὀθωνιακόν  
egisset. Itaque ausus sum nouus Tiphys  
*pandere vasto Carbasæ ponto* ; & obire il-  
lud munus per hanc Historicam Crisim,  
quæ crassas in antiquis illis ritibus nu-  
bes discussura sit luce suâ : sed non nisi  
præuiâ ingenij tui, virtutis & doctrinæ  
face, qui in Antiquitatum densâ caligi-  
ne, auia quæuis peragraisti, obscura per-  
uasisti, superasti difficilia. Prælucebit et-  
iam stemma tuum Nobilissimum, quod  
ex verè Regiâ Comitum GVIDIORVM  
Ducis familiâ, quæ iam inde à Comite  
GVIDONE Othonis Magni Saxonis Im-  
peratoris nepote, eiusque in Italiâ au-  
ctore, maximè floruit ; & etiamnum fa-  
uentibus Superis floret, Heroum Martio-  
rum, Ducumque præstantissimorum,  
qui domi forisque pro S. Sede Aposto-  
licâ



licâ res præclarissimas gesserunt, & longè lateque per Etruriam & Flaminiam imperitarunt, perpetuum veluti seminarium. Horum vestigia secutus NICOLAUS Marchio Montis-belli frater tuus, de consensu Maximorum Regum, Ecclesiasticæ militiæ in Valle Tellinâ summus Præfectus est constitutus. Tu verò quot iam annis pro eadem Sanctâ Sede operam tuam impendisti? CLEMENTE VIII. & LEONE XI. Pontificibus, Provinciis plerisque per Italiam præfuiisti, easque sapientissimè moderatus es. Post eâ sedente PAULO V. Auenioni & Comitatu Venicino Præfectus pro Legato, septennio tui magistratus, Urbem ipsam variè septuplicem nobilitasti, summoque ciuium applausu rexisti. Demum à GREGORIO XV. in Belgium, ad piissimum



simum par Principum ALBERTVM &  
ISABELLAM Archiduces Nuntius mis-  
sus, altero ad vitam meliorem euocato,  
annum iam tertium, apud Serenissi-  
mam INFANTEM viduam, sub nouo et-  
iam, sed verè Opt. Max. Pontifice VR-  
BANO VIII. munus tuum cum singulari  
pietate & prudentiâ obis. Quidni ergo  
tu tanti Pontificis Α'γαθος Α'γαθος, tutêris  
hæc velamina, sacrosancto CHRISTI  
cruore conspersa? Sanè his instructa PE-  
TRI Navis non timebit

— *precipitem, Africum*

*Decertantem Aquilonibus,*

*Nec tristes Hyadas, nec rabiem Noti.*

Admiranda quippe diuini amoris in iis  
elucet argumenta. CHRISTVS enim à  
nobis transiturus ad PATRIS dexteram,  
& supernas cæli sedes, id eâ ratione præ-  
stitit,



stitit, (quæ eius fuit *φιλανθρωπια*) vt nihilominus nobiscum restaret; re quidem, sed latenter, in Altaris Sacramento; per Imaginem autem, sed expressam ac manifestam, in sepulchralibus linteis. Illa inclyta miraculis *ὀθόνια*, veneranda nostræ salutis pignora, tibi offero, ILLUSTRIS-  
SIME DOMINE, vt antiquissimam eorum dignitatem tuearis, quorum fidem constans ætatum consensus firmavit, & gentium concursus. Agnosces in corporis humani lineamentis, *συγκατάθεσιν ἀκατάληπτον* incarnati Verbi; in iustâ staturâ, partiumque symmetriâ, speciosum formâ præ filiis hominum; in rubore, sanguinis ac vulnerum notas; in iacentis specie, mortis causâ nostrâ obitæ, ac sepulturæ *μνημόσυνον*; in linteo, resurgentis exuuias; vbiq; Dei hominis in nostrum  
genus



genus inestimabilem charitatem. Quæ de  
iis attuli prodigia antiqua & recentia, in  
vnum congesta fascem, inconcussæ veri-  
tatis præsidio firmata sunt; nec Opuscu-  
lum hoc meum fluctuare sinent, maximè  
si fauoris tui aurâ, & beneuolentiæ radiis  
afflentur, illustrentur. B. V. ILL<sup>ME</sup> DO-  
MINE. DEVS TE τὸ πάντος ἄξιον, cumulo fe-  
licitatis beet. Ita voueo, Bruxellæ, Kalen-  
dis Maiis anni Domini M. DC. XXIV.

ILL<sup>MAE</sup> ET REV<sup>MAE</sup> D. T.

*devotissimus*

Io. Iac. Chiffletius.